

AUA LE PEPELO!

O lenei, 'ia tu'u 'ese le pepelo,
'ia ta'itasi ma tautala i le mea moni
i lē la te tuā'oi; EFESO 4:25



Aua e te molimau pepelo i le lua te tuaoi. ESOTO 20:16

O ē tausi i mea fa'atauva'a pepelo 'ua lafoa'i e i latou lo latou alofa. IONA 2:8

Aua le tau i atu i se tasi le leaga i le leaga. Ia saunia mea faamaoni i luma o tagata uma. Ia tatou savavali ma le faamaoni, e pei o le ao; e lē o le faitaaga ma le onā, e lē o le nofonofotane ma le matape'ape'a, e lē o le misa ma le matau'a.
ROMA 12:17; 13:13

O loo saunia mo mea faamaoni, e le gata i le silafaga a le Alii, ae faapea foi i luma o tagata. 2 KORINITO 8:21

O le mea mulimuli, uso e, o mea uma ua moni, soo se mea ua faamaoni...manatu i nei mea. Filipi 4:8

... ia ola i se olaga filemu ma le filemu i le amioatua uma ma le faamaoni. 1 TIMOTEO 2:2

...i mea uma e naunau e ola faamaoni. EPERU 13:18

O lē fai mai, 'Ua 'ou iloa o ia, 'ae lē tausi i ana poloa'iga, o le pepelo lea, e lē o 'iā te ia fo'i le 'upu moni. O ai ea se pepelo pe a na o lē na te faafiti o Iesu o le Keriso? O ia o le anetikeriso, o le na te faafitia le Tama ma le Alo. 1 IOANE 2:4, 22

Afai e faapea mai se tasi, Ou te alofa i le Atua, ae 'ino'ino i lona uso, o le pepelo lava ia; O lenei fo'i poloa'iga 'ua tatou maua mai 'iā te ia, o lē e alofa i le Atua 'ia alofa fo'i i lona uso.
1 IOANE 4:20-21

'Ua 'ou 'ino'ino i ē 'ua manatu i mea fa'atauva'a pepelo; ia faafilemu laugutu pepelo; o ē tautala fa'atauva'a ma le fa'amaualuga ma le 'ino'ino i ē amiotonu. SALAMO 31:6, 18

'Amu'ia le tagata na te fa'atuatuaaina le ALI'I, e lē fa'aaloalo fo'i i ē fa'amaualuga, ma ē liliu atu i le pepelo. SALAMO 40:4

...e punitia gutu o e tautala pepelo. O lē fai fa'a'ole'ole e lē nofo o ia i lo'u fale; SALAMO 63:11; 101:7

'Ia e 'ave'esea mai 'iā te a'u le ala o le pepelo, 'ia e foa'i mai fo'i 'iā te a'u lau tulafono ma le alofa. SALAMO 119:29,163

Le Alii e, ia e lavea'i mai lo'u agaga mai laugutu pepelo, ma le laulaufaiva pepelo. SALAMO 120:2

O mea nei e ono e 'ino'ino i ai le ALI'I; e 'inosia fo'i e ia le fitu; o le molimau e tautala pepelo, ma le na te luluina le misa i le au uso. FAATAOTO 6:16-19

O lē natia le 'ino'ino i laugutu pepelo, o lē 'ua fai tala taufaaleaga, o le vale lea. O le tele o upu e lē mativa ai o ia i le agasala; O le laulaufaiva o lē e amiotonu e pei o le ario lelei ia; FAATAOTO 10:18-20

O manatu o ē amiotonu e tonu ia; O lē e tautala i le mea moni, na te faaalia le amiotonu; E i ai le tautala e pei o tutu'i o le pelu; O le laugutu faamaoni e fa'amauina e fa'avavau; O lo'o i le loto o ē mafaufau i mea leaga le pepelo; E leai se mea leaga e oo i lē ua amiotonu; O laugutu pepelo e 'inosia lea e le ALI'I; FAATAOTO 12:5, 17-22

E 'ino'ino le tagata amiotonu i le pepelo; FAATAOTO 13:5

E le pepelo le molimau faamaoni, a e tautala pepelo le molimau pepelo. O le poto o le tagata mafaufau, o le malamalama lea i lona ala; O le molimau fa'amaoni e lavea'iina e ia agaga, a o le molimau pepelo e tautala pepelo ia. FAATAOTO 14:5, 8, 25

O le tagata fai mea leaga e gauai atu ia i laugutu pepelo; ma o le pepelo e faalogo atu i le laulaufaiva ulavavale. E le aoga le tautala lelei i le vale; FAATAOTO 17:4, 7

E sili ona lelei o lē ua mativa e savali ma lona faamaoni, i lo lē ua faapiopio i ona laugutu ma le vale. E lē fa'asalaina le molimau pepelo, e lē sao fo'i lē tautala pepelo. E lē fa'asalaina le molimau pepelo, e fano fo'i lē tautala pepelo. O le mana'o o le tagata o lona agalelei lea; e sili fo'i le tagata mativa i le pepelo. FAATAOTO 19:1,5,9,22

O le areto o le pepelo e suamalie i le tagata; a e mulimuli ane e faatumuina lona gutu i ilili. FAATAOTO 20:17

O le mauaina o 'oa i le laulaufaiva pepelo, o le mea fa'atauva'a lea e felafoa'iina i latou o ē sã'ili i le oti. FAATAOTO 21:6

O lē 'ino'ino, 'ua fa'asesē i ona laugutu, ma 'ua teu ai le pepelo i totonu 'iā te ia; A tautala lelei o ia, 'aua ne'i e talitonu 'iā te ia, auā e fitu mea 'inosia i lona loto. O lē 'ua ufiufitia lona 'ino'ino i le fa'a'ole'ole, e fa'aalia lona leaga i luma o le fa'apotopotoga uma. O lē eli le lua, e pa'ū i ai; O le laulaufaiva pepelo e 'ino'ino i ē 'ua puapuagātia; ma o le gutu tafaasee e tupu ai le malaia. FAATAOTO 26:24-28

'Aua fo'i ne'i ta'ua oe o lē e taumusumu, 'aua fo'i 'e te lamalama i lou laulaufaiva; Failauga 5:14